

名官職亦不知也。無陶器。第十七塚，墓表爲朱書，題延昌廿一年馬阿卷。有陶器四件。第十八塚，墓表爲朱書，題延昌卅一年馬氏。不具名氏，書寫甚佳。墓中有陶器二十餘件。在馬塋東，有墳二塚，爲一塋。門亦東北向，發掘無墓表，未審其姓氏，余訂爲B塋。有陶器二件。在B塋之東北，有墳五塚，爲一塋。門亦東北向，余訂爲C塋。掘第三塚，得陶器三件，亦無墓表。此二塋爲余工作古墳塋之最無收穫者也。在C塋之北爲A塋。有墳九塚，亦無墓表。未能知其姓氏，余訂爲A塋。掘其第一二兩塚，成績甚佳。在第一塚中發現獸形足盆一件，堆砌獸象計十一形，駢繞四圍，形旁間有花瓣紋，與唐護墓中之獸形足盆其形像多相同。爲余發現陶器中之較佳者也。但此盆倒置於墓道之尾端，入土不深，與通常三足盆陳列墓中死者足旁，或頭旁者不同，未知何故。第二一圖墓中復得陶器二十餘件。以其殉葬之豐富，必非貧賤之人，然爲何無墓表以爲誌也。第二塚無墓表，亦得陶器九件。在A塋之旁爲劉塋。

十三、劉塋。在A塋之東，爲劉塋。有墳八塚，分爲二列，門向東南。第一塚墓表爲朱書，首題鎮西府內主簿劉口。其名字及死葬年月，均模糊不明。墓中有陶器十餘件。第二塚墓表爲朱書刻直格，題延昌廿七年追贈虎牙將軍劉氏，失書其名字。得陶器三件。第三塚墓表爲朱書，題重光元年劉保歡。爲所得墓表中之年代最遠者。今由此墓表，而翹嘉卽位之年，可以推定，快何如也。墓中得陶器四件。第五塚，表墓題唐顯慶五年劉住隆妻王延臺。有泥器十餘